



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05-05-8345-56/19 RA
Sarajevo, 06.05.2019. godine

SKUPŠTINA KANTONA SARAJEVO

- o v d j e -

n/r Elmedin Konaković, predsjedavajući

PREDMET: Dostava odgovora na zastupničku inicijativu – zastupnik Elmedin Konaković

Zastupnik u Skupštini Kantona Sarajevo, Elmedin Konaković, na Šestoj Radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda "poslanička/zastupnička pitanja, inicijative i odgovori", pokrenuo je inicijativu (zaprimiteljna u Ministarstvu 03.04.2019. godine), kako slijedi:

"Pokrećem inicijativu prema Ministarstvu prostornog uređenja, građenja i zaštite okoliša Kantona Sarajevo, da poduzme hitne mjere nadzora i kontrole izgradnje objekata u vodozaštitnoj zoni na području Opštine Ilidža, te da Skupštini Kantona Sarajevo predloži adekvatne mjere, kojim će se ova pojava zaustaviti."

ODGOVOR:

U skladu sa Zakonom o vodama Kantona Sarajevo ("Službene novine Kantona Sarajevo", br. 18/10 i 43/16), Ministarstvo privrede je nadležno za oblast voda u Kantonu Sarajevo, pa prema tome i za vodozaštitne zone izvorišta vode za piće u "Sarajevskom polju".

Ministarstvo prostornog uređenja, građenja i zaštite okoliša je odgovorno za primjenu Zakona o proglašenju Spomenika prirode "Vrelo Bosne" ("Službene novine Kantona Sarajevo", broj 6/10-Prečišćeni tekst), čije se granice obuhvata u određenim dijelovima preklapaju samo sa izvorišnom zonom Ilidža - Vruci - Vrelo Bosne, koja predstavlja jednu od ukupno tri zone u okviru izvorišta vode za piće u "Sarajevskom polju", shodno važećoj Odluci o zaštiti iz 1987. godine.

Zakon o proglašenju Spomenika prirode "Vrelo Bosne" donesen je 2006. godine, s ciljem očuvanja i zaštite brojnih bioloških, hidroloških, pejzažnih i kulturno - historijskih vrijednosti, te njihovog održivog korištenja. Zakonom su utvrđene dvije zone zaštite (Prva zaštićena zona - nukleus i Druga zaštićena zona - puffer), te su za svaku zonu propisane odgovarajuće mjere zaštite (dozvoljene i zabranjene aktivnosti), kojih se moraju pridržavati svi korisnici ovog prostora.

Spomenikom prirode "Vrelo Bosne" površine 603 ha upravlja Kantonalna javna ustanova za zaštićena prirodna područja, putem koje se obezbjeđuje, prije svega, očuvanje prirodnih vrijednosti, kao i fizička kontrola ponašanja korisnika u prostoru, i dr.

Inače, prema Zakonu o zaštiti prirode, zaštita, upravljanje i održivo korištenje svakog zaštićenog prirodnog područja (pa tako i Spomenika prirode "Vrelo Bosne"), temelji se na odredbama pojedinačnog propisa o zaštiti, Planu upravljanja, Prostornom planu područja posebnog obilježja, te



web: <http://mpz.ks.gov.ba>

e-mail: mpz@mpz.ks.gov.ba

Tel: + 387 (0) 33 562-029.

Fax: + 387 (0) 33 562-029.

Reisa Džamaludin Čaušević

ostalnoj važećoj regulativi, koja nije u suprotnosti sa utvrđenim mjerama zaštite koje se primjenjuju na to zaštićeno prirodno područje. U tom smislu ističemo, da za SP "Vrelo Bosne" još uvijek nije donesen Prostorni plan područja posebnog obilježja, iako je ovo Ministarstvo iniciralo i obezbijedilo potrebna sredstva za njegovu izradu, ali je Zavod za planiranje razvoja Kantona Sarajevo (kao nosioc izrade) bio isključiv da se treba prvobitno donijeti nova Odluka o zaštiti izvorišta vode za piće u "Sarajevskom polju", pa onda pripremiti Prostorni plan.

S druge strane, Vlada Kantona Sarajevo 2007. godine donijela je Plan upravljanja Spomenikom prirode "Vrelo Bosne", na period od 10 godina. Pošto je Plan upravljanja 2017. godine prestao da važi, u saradnji sa Kantonalnim zavodom za zaštitu kulturno-historijskog i prirodnog naslijeđa pokrenuta je procedura javne nabavke usluge izade novog upravljačkog dokumenta, a u toku su završne aktivnosti na odabiru izrađivača Plana.

U okviru redovne djelatnosti, Kantonalna javna ustanova za zaštićena prirodna područja kao upravitelj bilježi sve aktivnosti koje se odvijaju u SP "Vrelo Bosne", a koje su u suprotnosti sa važećom regulativom i mjerama zaštite (posebno kada je u pitanju nedozvoljena gradnja), o čemu obavještava ovo Ministarstvo, dok inspeksijski nadzor vrši kantonalni inspektor zaštite prirode. U tom smislu je do sada postupano više puta.

U skladu sa članom 159. Zakona o zaštiti prirode, ovo Ministarstvo vodi i postupke izdavanja dozvola za dozvoljene zahvate i radnje u Spomeniku prirode "Vrelo Bosne". Međutim, ova dozvola ne isključuje obavezu pribavljanja akata shodno Zakonu o prostornom uređenju Kantona Sarajevo.


Takođe, kada je u pitanju poštivanje odredbi Zakona o zaštiti prirode vezano za pravo prvokupa (odnosno obaveze vlasnika zemljišta konkretno u SP "Vrelo Bosne" da prilikom prodaje zemljišta isto najprije ponude Vladi Kantona), počeli smo aktivnost koja se tiče upisa prava prvokupa u zemljišnim knjigama za sve privatne vlasnike zemljišta u predmetnom zaštićenom području. U tom kontekstu, a u funkciji sprječavanja potencijalne gradnje na lokalitetu SP "Vrelo Bosne", Vlada Kantona Sarajevo je prihvatila i jednu inicijativu za kupovinu zemljišta (za što su obezbijeđena sredstva), te će Skupština Kantona Sarajevo u narednom periodu razmatrati ovaj predmet i o istom odlučivati.

Kako bi se osigurao kontinuirani i cjelovit nadzor, te pokrivenost terena, a imajući u vidu da Kantonalna javna ustanova za zaštićena prirodna područja upravlja sa ukupno 5 zaštićenih prirodnih područja, potrebno je jačanje trenutno veoma skromne kadrovske strukture pomenute Ustanove, prije svega nadzornika zaštite prirode. Na taj način bi se ispunile obaveze koje proizilaze iz Zakona o zaštiti prirode i Uredbe o organizaciji, načinu rada i ovlastima nadzorničke službe zaštite prirode ("Službene novine Federacije BiH", broj 14/16), a što je najbitnije, osigurala efikasnija zaštita i upravljanje ovim područjima.

S poštovanjem,

MINISTAR

Damir Filipović, MA prava



Dostaviti:

- ☉ Naslov
- Stručna služba Vlade Kantona Sarajevo, ovdje
- Evidencija
- a/a



web: <http://mpz.ks.gov.ba>

email: mpz@mpz.ks.gov.ba

Tel: + 387 (0) 33 562-029

Fax: + 387 (0) 33 562-031